

SCRIPT OF MORNING GOJRI NEWS BULLETIN 19APRIL 2025 1015HRS

مارننگ گو جری نیوز بلیٹن مورخہ 19 اپریل 2025

یوہ آکا شوانی جموں بے عبدالرحمان تیں خبر سَنو۔

LG PASSING OUT

جموں کشمیر پولیس غی شجاعت تے بہادری لوکاں نانہہ یاہ یقین دہانی کراوے کہ مرکزی زیر انتظام علاقو محفوظ ہتھاں مانہہ بے اج جموں کشمیر پولیس نانہہ پورا ملک مانہہ اپنی پیشہ وارانہ صلاحیت حوصلہ تے عزم واسطے سہرايو جے یاہ گل لیفٹیننٹ گورنر منوج سنہا نے کہی۔ لیفٹیننٹ گورنر موصوف نے کہیو کہ جموں کشمیر پولیس فوج تے مرکزی مسلح پولیس فورسز دہشت گردی نانہہ ختم کرن واسطے پُر عزم ہیں۔ لیفٹیننٹ گورنر نے یاہ گل گاندربل غا میگام پولیس ٹریننگ سکول مانہہ بی آر ٹی سی غ ۱۱ واں بیچ غی پاس آوٹ پریڈ غا موقع ور خطاب کرتا واں کہی۔ گل ۸۳۴ بھرتی ہون آلا جواناں نے تربیت مکمل کی جن وچوں ۶۸ خواتین ہیں۔ ان وچوں ۱۱۲ جوان پہلاں ایس پی اوز غا طور ور اپنی خدمات انجام دے چکا ہیں۔

DY CM

نوشہرہ حلقہ مانہہ گرمیاں غا موسم مانہہ پانی غی بہتر فراہمی نانہہ یقینی بنان واسطے نائب وزیر اعلیٰ سریندر چودھری نے گزشتہ روز جموں مانہہ ایک میٹنگ غے دوران جل شکتی محکمہ گا کم کاج گو جائیزو لیو۔ چیف انجنیئر جل شکتی نے دسیو کہ نوشہرہ حلقہ مانہہ گل ۰۷ سکیم چل رہی ہیں جن وچوں ۱۵ جل جیون مشن غے تحت ۸۱ یو تی کیپیکس اسکیمیاں غے تحت تے ایک نابارڈ سکیم غے تحت بے جن گو مقصد پانی گا بحران ور قابو پانو بے نائب وزیر اعلیٰ نے ہر سکیم گو الگ الگ جائیزو لیتا واں افسراں نانہہ ہدایت دتی کہ تمام منصوبہ اعلیٰ معیار غے مطابق مکمل کیا جیں تے طے شدہ وقت ور مکمل کیا جیں۔

CS TOURISM

جموں صوبہ مانہہ سیاحت نانہہ فروغ دین واسطے ایک اہم قدم چاتا واں محکمہ موسمیات نے گزشتہ روز چیف سیکرٹری اٹل ڈلو نانہہ جموں مانہہ ہون آلیا ایک میٹنگ غے دوران سیاحت نانہہ فروغ دین واسطے عملی تے حکمت عملی ور مبنی منصوبی پیش کیا۔ اس میٹنگ مانہہ چیف سیکرٹری نے محکمہ نانہہ ہدایت دتی کہ سیاحتی رستاں نانہہ زیادہ تیں زیادہ مشہور تے فروغ واسطے اپنی کوششاں نانہہ دگنی کریں انہاں نے جموں گا بکھ بکھ مقامات ور رافٹنگ تے پیرا گلائڈنگ جیسا دلچسپ کھیڈ شروع کرنی ہدایت وی دتی اس موقع ور کمشنر سیکرٹری سیاحت یشا مگدل نے ایک پریزنٹیشن دتی جس مانہہ موضوع ور مبنی سیاحتی رستاں تے غیر معروف مقامات نانہہ فروغ دین واسطے کثیر الجہتی منصوبہ پیش کیا گیا، جس غو مقصد جموں نانہہ سال بھر غی سیاحتی منزل بنانو بے۔

DIV COMM JAMMU

جموں گا ڈویژنل کمشنر رمیش کمار نے گزشتہ روز ایک میٹنگ کی جس مانہہ تیز آندھی تیں ہون آلا نقصانات غو جائیزو لیو تے نہالی غ اکماں غی پیش رفت غو معائنو کیو۔ میٹنگ مانہہ

جے پی ڈی سی ایل غا مینیجنگ ڈائریکٹر جموں میونسپل کارپوریشن گا کمشنر جموں صوبہ گا ڈپٹی کمشنر انجنیر تے دیگر متعلقہ افسراں نے شرکت کی۔ ڈویژنل کمشنر نے ڈپٹی کمشنراں نانہہ ہدایت دتی کہ بحالی کماں غی قریبی نگرانی کریں تے نقصانات و مرمت غی مکمل رپوٹ پیش کریں۔ انہاں نے افسراں نانہہ ہدایت فتی کہ عوامی ڈھانچہ غی جلد از جلد مرمت کریں تے عوامی و ذاتی املاک تے مویشیاں غا نقصانات غو جائزہ لی غے متاثرین نانہہ ایس ڈی آر ایف غے تحت مدد فراہم کریں۔

JMC COMM

جموں میونسپل کارپوریشن غا کمشنر ڈاکٹر دیوانش یادو نے گزشتہ روز تمام متعلقہ افسراں تے عملہ نانہہ ہدایت دتی کہ جموں مانہہ ممکنہ شدید بارشاں تے طوفانی موسم غی پیش گوئی غے پیش نظر ہائی الرٹ ریں۔ انہاں نے ٹرانسپورٹ گا افسراں نانہہ خاص ہدایت دتی کہ گرں آلا درختاں کھنباں یا دیگر نقصان دے ملہ نانہہ فوری طور پر سڑکاں تیں ہتا غے کسی وی ناخشگوار واقعہ تیں بچیں۔ شہریاں غی سہولت واسطے جی ایم سی نے دو ہنگامی نمبر فراہم کیا ہیں۔ 9469748042 تے 9419372824 ان نمبراں ور اطلاع دین غی ہدایت دتی گئی ہے۔

YUVA DOOTS

مشن یووا غے تحت یووا دوت واسطے ایک جامع تربیتی پروگرام جموں صوبہ غا مختلف حصاں مانہہ منعقد کیا گیا۔ اسی سلسلہ مانہہ ضلعی انتظامیہ سانہہ نے گزشتہ روز یووا دوت واسطے ایک جامع تربیتی پروگرام غو آغا ز کیو۔ اس افتتاحی تقریب غی صدارت ڈپٹی کمشنر راجیش شرما نے کی۔ اسی طرح ضلع راجوری مانہہ ضلع روز گار و مشاورتی مرکز غی طرفوں آنی ٹی آنی کیمپس مانہہ یووا دوت واسطے ایک روزہ تربیتی تے تعارفی پروگرام کامیابی غے نال منعقد کیو گیو۔ ضلع رام بن مانہہ وی تووا دوت واسطے ایک تربیتی پروگرام منعقد ہوو جہیرو ڈپٹی کمشنر بسرا الحق چودھری غی نگرانی مانہہ ہوو۔ اس تربیت غو مقصد یووا دوت مانہہ مشن یووا غے تہت اُنکا کردار تے زمے دارایان تیں آگاہ کرنو تھو تانجے وے پنچائتی سطح ور اس مشن نانہہ موثر طریقہ سنگ نافز کرسکیں۔

PHOTO EXHIBITION

جموں گا کلا کیندر ٹرینیٹی ایل گروپ شو غا عنوان تیں ۵ روزہ تصویری نمائش غو آگا ز ہوو یاہ نمائش کلا کیندر جموں تے اپرچر غے زریعے معروف جندن بدرام شاستری غی یاد مانہہ منعقد کی گئی ہے نمائش مانہہ جندن سندر محمد انور ناسر شیشو پال سنگھ سمیت مشہور فوٹو گرافر غا ۵۴ بہترین فن پارا پیش کیا گیا۔ تقریب غو افتتاح پرنسپل سیکرٹری ثقافت بی ایم شرما نے کیو۔ ڈاکٹر جاوید راحی کلا کیندر گا سیکرٹری اپرچر گا صدر آر کے گویل تے پروفیسر اشوق کمار وی اُت موجود تھو۔
